

Ich ha em Chef vor Novartis em Vasella onder d`Nase grebe  
die 20 Milione woner verdiene die fänd ich öbertrebe  
of de erscht Bleck gsäch das nach vell us seit er mehr ohni z`prahle  
aber schliessli müessi er dervo no d`Krankekasse zahle

D`Bärner sige langsam ond träg ich ha feststell das esch glooge  
während mer d`Stemmzeddle vo Hand no zelle wärde si det scho gwooge  
ond wenn mer de fang knapp e de Helfti send händ die scho s`Ändresoltat übercho  
2,3 Tonne stemmed nei ond 1 Tonne die stemmt jo

Euse Ex Botschafter de Thomas Borer het em Bleck Schlagziele gmacht  
well er angeblech met ere Frau het en Autonommere gmacht  
be de neue Bondesrötin Calmy-Rey chiem secher nie so en Schlagziele use  
well wele Maa du got den scho metere Grossmueter go schmuese

Bem "Bsuech en" am Fernseh seit d`Zimmermaa s`esch öppe es halbs Jahr zrogg  
nach der Altstadtanierig do pelgere de e huffe Lüt of Brogg  
woni das ghört ha du do hani gseit send die z`Brogg ned ganz bache  
jä wänd jetz die osem Tote Hus no es Chloster mache

Zersch d`Schweisskulptur ber Migrochrüzig den de Fesch be der Kasärne  
wiener wössed düend die z`Brogg för liseschrott schwärme  
jo du ond jetz hani ghört das muesi euch verzelle  
das si onde det bem Wasserschloss de Monolith no zmeztine stelle

Wod Urner s`letscht Jahr ehre Schnee es Dütsche händ exportiert  
jo do het euse Gmeindsarbeiter bletschnell reagiert  
ond er lütet au grad of Uri a Sie händer no nöime en Räschte  
well sosch chömmer be eus z`Rinike s`neu Gmeifahrzüg ned teschte

750 Jahr Rinike s`goht ab wiene Ragete  
met em Fil rouge dors ganzi Jahr ond em Auguscht de Mega Fete  
Jubel Trubel Heiterkeit es Füürwärc h no dernäbe  
s`einzig trurige esch dra de Gmescht Chor darf das nömm erläbe

Wenns z`Rinike setti mögli si d`Starchstromleitig en Bode z`verlegge  
jo den hoffi aber schwer die vo de Akut düege das tschegge  
ond stelle rächti Handwärc h a au wenns bez me duet choste  
ned das es de we a de Röfenacherstross Muere get wo roschte

Ich weiss liebe Gmeirot er händs guet gmeint ond eigentlech sett`me euch lobe  
das er die 2 Bäuml händ setze lo do em Hersche obe  
nor müend die jetz leider weder ewäg das chani garantiere  
well die z`Aarau obe jo neuerdengs kei bruni Stämm meh akzeptiere

Osserdem het de Gmeirot en Idee wo wörc hli super esch  
er rüft eus Riniker vo Zyt zo Zyt zom "Gespräch am runden Tisch"  
ond s`erschte Thema e der Tannegg hani au scho erfahre  
s`lutet wie tuet mer als Riniker onfallfrey Schyfare

Letschthen stoht em gäle Blatt wie fascht alle Jahre weder  
s`Riniker Fasnachtskomitee suecht neue Metglieder  
nor das Jahr esch es no vell schlemmer seit em Steiger Roli si Frau  
hür do sueche mer ned nome met Gleder dere ohni sueche mer au

Mer händ scho es Glöck met eusne Werte ich glaub das dörfi säge  
au de neu chochet guet ond het gäg d`Fasnacht nüt degäge  
dromm velle dank euch Dani Marleen ond Claire das er d`Tannegg händ überneh  
ond wanner jetz em Komedi eis zahled de benni s`nächst Jahr weder do

*Der Komedi<sup>03</sup>*

Wänd er me bsueche? Ich be dehei onder „[www.komedi.ch](http://www.komedi.ch)“

20. Johr scho voll debie d` Opus überchonnt vo mer en Orde  
jo eusi Riniker Tschättermusig sig e de letschte Johre besser worde  
händ`si fröhner gseit wänder wörkli no eis Speele das muessmer eifach gseh  
säge si höt d`Opus esch die beshti Gugge zwösche Röfenach ond Umike